



REPÚBLICA DEMOCRÁTICA DE TIMOR LESTE

V GOVERNO CONSTITUCIONAL

GABINETE DO PRIMEIRO MINISTRO

DESPACHO

No. ~~22~~ 17/GPM-XI/2014

Hare katak desenvolvimentu setor Infra-Estruturas iha Timor Leste buras ba dadaun, tamba ne'e ba oin nesesita planeamentu no implementasaun ne'ebe diak, lolos no qualidade, no iha responsabilidade teknika nomos juridikamente;

Tamba ne'e Primeirro Ministro iha uzu kompetensia rasik nudar komfere iha Konstituisaun da Republika Demokratika Timor Leste nian tuir Artigu 103; No. 1 husi Artigu 104 ; letra a),e),g),i),l),p) no.1 no no. 3 husi Artigu 115; letra a),c) no.1 husi Artigu 117,

Fo Despacho :

Fo hatene ba Ministeriu hotu-hotu/Liñas Ministeriais hotu-hotu/ Instituisaun Governu nian hotu-hotu ne'ebe maka entrega planeamentu/implementasaun projetu sira ba Design Consultant no Supervision Consultant ou entrega ba Kontrator Estranzeiru atu halo dezeñu tenki priense rekezitus hanesan tuir mai ne'e :

1. Planeamentu tenki hahu kedas husi faze survey ba terenu no nia rezultadu tenki investiga didiak hodi hare vizibilidade no viabilidade antes atu halo dezeño konaba Arqitetur, Estruktural, Mekanikal, Elektrikal no Zestaun Environmental iha projetu ida;
2. Ba Konsultan/Kontrator refere tenki iha lisensa hotu-hotu husi nia Nasaun, ne'ebe maka relaciona ho nia kompetensia hanesan Konsultan/Kontrator nomos tenki iha lisensa hirak ne'ebe vigora tuir leis Timor Leste nian;
3. Ba pessoal peritu-tekniku/ especialmente iha Dezeñu Arqitetur, Estrutura Mekanikal, Elektrikal, Estradas, Pontes, Irigasaun, Zestaun Enviromental ne'ebe halo planeamentu ba projetus iha Timor Leste tenki iha pose sertifikadu grau abilidade perisial teknika husi Autoridade Kompetente iha Nasaun ida-idak nian;
4. Dokumentus hotu-hotu konaba planeamentu/dezeñu ne'ebe Konsultan ka Kontrator maka produz, tenki asina husi pessoal tekniku-peritu/tekniku espesializadu husi


Konsultan/Kontrator refere ne'ebe profesionalmente iha responsabilidade ba dezeñu hirak ne'e.

5. Dokumentus (Dezeño, BoQ etc.) ne'ebe Design Consultant /Kontrator maka produz, karik la assina husi nia peritu-tekniku/tekniku espesiazadu, sei labele uza/lakonsidera hanesan dokumentu ba implementasaun ou inklui iha dokumentu tenrderizaun.
6. Projetu hirak ne'ebe atu hahu, (preparasaun ba kontratu) se la apresenta dokumentus planeamentu hanesan rekezitus hirak temi iha pontu 1 sei labele uza/lakonsidera, nune'e labele inklui iha dokumentu tenrderizaun.
7. Ministeriu/Liñas Ministeriais/Instituisaun Governu nian hotu-hotu tenki banati tuir saida maka temi ona iha dokumentu ne'e ho responsabilidade tomak desde lora dokumentu ne'e publika sai.

Dili, 11 de Novembro de 2014

Publique-se

O Primeiro Ministro,



Kay Rala Xanana Gusmão